

鼎修德安府全志卷之十四

名宦

師尹惟日言勤職也庶民惟星貴從好也九重以億兆命託司牧心日下其心以體庶民之隱一息不戒窺之者至矣化洽民心而德音不瑕詩所以托興於栲杻致誦於甘棠也覩諸君子之澤被當時聲施奕世俎豆薦馨不以世祧後人其知所感哉作名宦志

德安府

安陸縣附

德安府志

卷之十四

名宦

一

鍾儀周簡王二年爲大夫食邑於鄭後楚子重伐鄭諸侯救鄭囚鄭公鍾儀以獻晉九年晉侯觀於軍庫見鍾儀而問之曰繫南冠而操南音者誰也知其爲楚伶使鼓琴以樂之

蕭由沛郡人漢哀帝建平初以左輔都尉出爲江夏郡太守賊成重反由帥師討平之

董宣字少平陳留圉人也初爲司徒侯霸所辟舉高第累遷北海相以大姓殺人宣收殺之徵詣廷尉會赦後江夏有劇賊以宣爲江夏太守宣到界後

書賊首夏喜等以朝廷以太守能擒賊故辱斯任
今勤兵界首赦到幸思自安之策喜等懼郎時降
散後以他事坐免再徵為洛陽令車下杖殺胡陽
公主蒼頭終不肯拜謝主帝稱為強項令卒年七
十有四

陶侃字士行鄱陽人補武岡令會安陸張昌反荊州
刺史劉弘辟侃為南蠻長史討昌破之以功封東
鄉侯後遷都督荆雍益梁諸軍再平石勒拜大將
軍卒年七十六謚曰桓

德安府志

卷之四 名宦

桓宣譙國鉅人初為晉元帝開府舍人轉參軍陶侃
討郭默以宣為武昌太守遷江夏相拊循有畧能
得衆心以戰功鎮襄陽再都督三州四郡諸軍事
卒贈征南將軍

謝尚字仁祖陳郡陽夏人豫章太守鯤之子也累官
表陽太守轉督江夏義陽隨三郡事威惠並著尋
改督豫州

夏侯亶梁天監中安陸太守有威惠邊人悅服

見名淑裕以字行京兆杜陵人沈敏和正涉

經史雖在軍中篤意文吏先是守兖州禽魏將段琛與揚州刺史牛道衡移鎮玉壁高歡築土山與城等卒不能破恭帝元年以大將軍平江陵著戰功封壤縣公再鎮玉壁武帝平山東孝寬之謀也年七十二卒諡曰襄封鄖國公
宗長安二年亦封鄖國公

劉玘梁貞明中守安州以城烟櫛比冬月井泉多涸於城西北隅依石壁一水樓以備不虞縣縵以汲明年吳人圍安陸方知安陸井樓之利

德安府志

卷之四 名宦

三

周知裕字好問幽州人爲劉仁恭騎將奔梁梁太祖得知裕甚喜以爲指揮使唐莊宗入汴知裕與段凝軍河上聞梁已亡欲自殺爲賓客故人止之乃降唐莊宗欲寵待之諸將妬其寵因獵射之知裕走以魚莊宗爲殺射者以知裕爲房州刺史明宗時遷安州留後所居有善政安州近淮俗惡病者父母有疾置之他屋以竹竿繫飯食委之至死近知裕一加以致道山是稍草罷爲右神

德安府志

宋漢賓唐安州守臨政持法好施惠人畏而親之

李瓊周安州防禦使治郡寬簡民請立祠頌德

張少敵晉高祖時爲馬希範裨將天福初李金全爲安遠軍節度使以安州叛高祖詔希範出兵擊之希範遣少敵率舟師趨漢陽漕米五百斛以饋軍軍由是不乏所向有功金全等敗少敵乃退

石守信宋初除崇信軍節度使爲開國名將

錢惟演以崇信軍節度使歸本鎮演出於勛貴文詞清麗與劉筠楊億併在郡對酒必自歌曰城上烟

德安府

卷之四

名宦

四

光

亂城下烟波風拍岸

王今宋初爲崇義軍節度使寬厚容衆居郡十餘年不以元勛自伐樂易近人遠近稱之

師顏太宰時任眉州以簡靜爲治蜀人便之代還遷侍御史知安州賜錢二十萬緡

趙昌言孝義人太宗時爲安遠軍行軍司馬昌言強力尚氣槩當官無所顧所至以威斷立名雖屢經擯斥未嘗少自損抑

張齊賢曹州人慕唐李大亮因字師亮太祖幸西都

齊賢以布衣獻策馬首歸語太宗曰我幸西都惟
得一張齊賢異時可輔汝爲相也太宗舉進士欲
擢齊賢高第有司偶失之故一榜盡賜京官知代
州召入叅知政事會代王延心求補外上怒出知
定州本傳載初改知江陵府上章謝病乞知安州
時務簡民淳政尚清淨民甚便之尋召拜兵部尚
書平章事進左僕射代還請老以司空致仕卒年
七十有二謚文定

寇準字平仲華州人年十九舉進士雍熙間擢判吏

德安府志

卷之南 名宦

五

部常奏事不合帝起準輒引帝衣復坐事決乃退
澶州之盟爲王欽若所譖出知天雄軍天禧元年
復召入請太子監國丁謂懼發前天書坐貶安州
彭乘仁宗時舉進士及第奏乞終養父卒旣葬有甘
露降於栢上歷官刑部尚書出知安州有善政仁
宗曰此老儒也

范雍字伯淳任振武節度使康定元年趙元昊先遣
人於雍雍信之不設備一日引兵至城下劉平石
元孫俱被執雍左遷戶部侍郎知安州政尚簡恕

期年卽轉吏部侍郎知河中府郡人咸思之立祠祀焉

魚周詢字裕之雍丘人早孤好學舉進士歷知安州遷御史中丞周詢性和易聞見該博明吏事在安州有惠政

司馬旦字伯康夏縣人以父池任爲秘書校書卽累遷知安州旦治郡有大體所施設取於適理便事性敏異雖小事必審思裁度不中不釋與弟光友愛尤篤光居洛旦居夏縣皆有園沼之勝光歲一

德安府志

卷之四

名宦

六

往省旦旦亦間至洛視光凡光平時所與論天下事旦有助焉

范純仁字堯夫吳縣人文正公子中皇祐元年進士第一知武進以親老不赴文正公歿治平中召爲殿中侍御史因議濮王典禮純仁言陛下受命仁宗而爲之子與前代定策入繼之主異宜如王珪等議不聽純仁還所授告敕家居待罪後詔罷追尊起純仁就職純仁請出不已遂通判安州求民利病興葺之作興學校爲條教安州由是多學者

佯疾十年及照知德安衆仰之曰忠義之裔也

李邈字彥思清江人少有才畧精悍敏決嘉定間爲安州司理叅軍金人入執之囚於燕山詆毀甚力端坐就戮高宗贈昭化軍節度使謚忠壯

郭浩字克道以父成任三班奉職徽宗時爲邊將屢敗夏人遷中州刺史欽宗卽位進三州團練使卒謚恭毅

張浚字德遠綿竹人銳意軍政嘗呼軍校至帳前語曰聞敵以重賞贖吾首若浚此舉違天恃人汝等

德安府志

卷之四 名宦

八

可取浚頌去不則一有退縮卽以軍法從事史稱帝之復張浚之功也紹興間除崇信軍節度使制詞曰爰頌使於漢東俾膺受於齊鉞初盼成命慰慰輿情後卒贈太師謚忠獻

岳飛字鵬舉湯陰人好友氏春秋孫吳兵法未冠挽弓三百觔弩八石高宗初討李成於蘄州擊賊大潰帝書精忠製旗賜之授沿江制置使紹興四年除荆南鄂岳制置使飛奏襄陽等六郡當先取帝問趙鼎鼎曰知上流利害無如飛者遂授黃復州

漢陽軍德安制置使飛渡江至中流日暮屬曰飛
不擒賊不渡此江郢州城下僞將金超號萬人
敵棄城拒飛飛鼓衆而登超投崖死遣張憲徐慶
復隨州詔以隨郢唐鄧信陽並爲襄陽府路隸飛
飛移屯鄂封武昌縣子五年授崇信軍節度使兼
湖北路制置使進封武昌縣侯又除荆湖南北襄
陽路制置使招捕楊么會名都督張浚還防秋飛
以都督能少留不八日可破賊浚許之飛遂如鼎
州么負固不服方浮舟湖中以輪激水其行如飛

旁置撞竿官舟迎之輒碎飛伐木爲巨筏塞諸港
以腐木亂草浮上流而下賊來追草木壅積舟輪
礙不行飛擊之賊奔港中爲筏所拒官軍乘筏張
牛草以蔽不矢舉巨木撞其舟么投水牛舉擒斬
之果八日而平浚歎曰岳侯神筭也除蘄黃制置
使加檢校少保進封公還屯鄂州除荆湖南北襄
陽路招討使六年入覲面陳襄陽自收復後未置
監司州縣無以按察帝從之乃令湖北襄陽府路
自知州通判以下賢否許飛得自黜陟七年岳見

帝於寢閣帝以進討事委飛而秦檜意在請和飛乞終喪廬毋墓累詔趣飛還職十年授少保河南北諸路招討使旋班師爲秦檜所害卒年三十九孝宗詔建廟於鄂號忠烈謚武穆嘉定間追封鄂王理宗改謚忠武宋史岳雲飛之養子飛征伐雲敬立奇功飛輒隱之每戰以手捍兩鐵椎重八千斤先諸軍登城以復隨州功在第一飛不言張浚察得其實曰岳飛避寵榮廉則廉矣未得爲常也奏乞特旨遷三資飛累表不受後以功遷忠州防禦使飛又辭之及飛遇害同飛死孝宗追贈安遠軍承宣使岳雲附

德安府志

卷之四

名宦

十

湯璠字君保淳熙二年進士調德安府學教授歷國子博士時朱熹爲侍講未幾辭歸朝廷從其請予祠璠言熹以正學爲講官四方願望其有啓沃之益曾未踰時輒聽其去必駭物論宜追詔熹還仍授講職疏上不報由是忤權相意而璠之直聲亦大聞於時

淳熙三年知德安府慕應山連庶連座

之爲人建慕連亭以識之君子謂頡以郡守而能
屈於同時之賢過人遠矣

吳獵字德夫潭州醴陵人第進士歷監察御史時僞
學禁興獵言侍講朱熹遽以御札予祠中外惶駭
謂事不出中書是謂亂政尋勘罷久之黨禁弛起
歷秘書修撰主管荆湖北路安撫司公事詔獵總
領京西財賦以湖北漕司和糴米三十萬石分輸
德安等四郡積銀帛百萬計以備進討金兵圍襄
陽德安遊騎迫竟陵詔獵節制本路兵馬獵遣張

德安府志

卷之四

名宦

十一

榮將兵援竟陵又招神馬陂潰卒得萬人分援襄
陽德安加寶謨閣侍制京湖宣撫使金丹攻竟陵
襄陽德安具急獵募死士入竟陵督董連等援德
安董世雄孟守政等解襄陽圍卒謚文定家無餘
貲

項安世字平父括蒼人淳熙間知鄂州時朱熹召至
闕未幾予祠率館職上書留之不報俄爲言者劾
罷去後復起

陳瓘字子爽嘉興人歷京湖制置使主管機宜文字

知德安府加寶謨閣擢戶部尚書卒謚清瓘所至
軍民愛戴焉

毛維美徽宗政和間初陞德安爲府維美以御史
出爲知府標尚風雅

范彭純仁從孫高宗紹興間知府率祖攸 無愧各
臣之後

呂大防字微仲藍田人進士及第歷御史元祐元年
進右丞中書侍郎兼門下侍郎上官均等論壞法
役黜知隨州言者又以修神宗實錄直書其事爲

德安府志

西各宦

三

詆誣流安州後爲章惇繩之愈力竟流循州而卒
贈宣國公謚正愨

趙鼎在潮州五年杜門謝客嘗事不掛口有問者但
引咎而已中丞唐大方誣其受賄屬潮守放編置
入吉陽軍鼎謝表曰白首何歸悵餘生之無幾丹
心未泯誓九死以不移檜見之曰此老倔僵猶昔
在吉陽五年潛居深處門人故吏皆不敢通問唯
廣西帥張宗元時致膠米檜知之命本軍月具存
亾鼎道人論其子汾曰檜必欲殺我我死汝曹無

患不爾禍及一家矣先得疾自書墓山石記鄉里
及除拜歲月至是書銘旌云身騎箕尾歸天上氣
作山河壯本朝遺言屬其子乞歸葬遂不食而死
天下聞而悲之

胡銓字淡庵廬陵人紹興間知吉陽軍先是抗疏和
議願赴東海而死詔除名編管新州新州守張隸
許與客唱酬謗訕怨望移謫吉陽二十六年檜死
後金人以千金贖其疏

楊惟中字彥誠弘州人金末以孤童子事太宗知書

德安府志

卷之四

名宦

三

負膽畧太宗器之年二十使西域二十餘國皆籍
戶口屬吏乃歸佐皇子伐宋於軍前行中書省事
克宋諸州及德安得名士數十人收伊洛諸書送
燕都立周敦頤祠建太極書院延儒士趙復王粹
等講授其間遂通聖賢之學拜中書令出爲荆湖
南北路宣撫使卒謚忠肅

李仲章馮翊人元皇祐間任德安府判官孜孜好文
士樂白兆山川之勝買田卜築於其麓家焉再遷
耀州守調赴京師南還割田二頃建河南書院尋

乞歸復建書院於桃花巖下顏曰長庚景太白遺蹟也割應城田四十頃以贍四方之受讀者程鉅夫代察罕丞相爲之記

鐵哥朮高昌國人沉鷲有才至元中爲隸州達魯花赤遷德安府達魯花赤適土人蔡知府以衆叛鐵哥朮率衆先登冒矢石身被數鎗猶戰不已遂討平之王將怒欲屠城鐵哥朮曰叛者蔡知府數人而已城中之人何預焉宜誅其黨與不可濫無辜王將從之城得全累遷婺州路達魯花赤所在成

德安府志

卷之四 名宦

四

著政績

何槐孫字德孚蒲蘄人幼穎異沉篤英毅駿發日記數千言泰定四年進士高第天曆二年授宜黃尹更事精敏剖斷如流遷德安府推官署雲夢事政聲茂著至正二年遷慶元路總管所著有善政指南書

張寬福建人自洪武九年降德安府隸黃州以待用知州事十三年復陞爲德安府寬始領印爲知府元季兵燹之後署廨學校多殘毀寬稍稍修葺之

四境人民稀少出疇荒落寬下令州縣招徠耕種子弟可教者督以誦習在任七年去

李蕃魚臺人太學生洪武末同知德安律身廉靜九年秩滿民乞留陞秩復任九年

史中德化人學能文永樂間通判德安捐介果斷守法恤民嘗公差廣西經衡州時

無修之者題詩柱間識之後舉遷衡州知府踐其言時有中貴人驢負滿載中執以聞特命戮之其不畏權禦如此所至吏民懷德焉

德安府志

卷之四 名宦

五

婁子謙浙江人大理評事改推德安察情求法郡無囚獄非羨之餽一介不染人咸稱之

嘉慶穎上人鄉薦知安陸精敏有幹理才節縮里甲供役省舊之五六乃酌畫其法則名曰便民

政畧論論閭閻俾不為吏胥所欺雖遇年饑民賴其覆煦不至轉徙後遷南部主事去邑人思之立碑焉

饒政望江人永樂間進士奉勅運江西糧儲竣事以賢勞擬授

因自陳願授教職歷授張羅山教

論後陞德安教授教有成規雖祁寒甚暑者不輟造就人才如張瓚輩六七八人皆出其門人謂其辭事居卑律已成物當於古人中求之

許鑑南海人鄉薦永樂時安陸教諭寡言咲慎取與擇交游與人言絕無欺誑其誨諸生不專詞有所勸警誠意懇至諸生感動信從遷知潛江亦有惠政

林越南海人太學生同知德安淑身淳雅清心民莫四年致仕去民惜之

德安府志

卷之四

名宦

七

范理字道濟天台人正統間知江陵時楊文定執政其子自鄉來云道出江陵獨不為縣令所禮文定器之即薦知德安府有異政再擢貴州左布政或勸致書謝范曰宰相為朝廷用人非私理也文定卒往哭以謝

黃擊字伯固莆田人弘治十八年進士授德安府推官諸所修舉以正風俗作人材為先務後為職方正德南巡宦人久蓄逆與江彬諸奸黨交通擊獨疏六事車駕員外郎陸震見其疏即碎已疏

草願同署名

馬倫西充人正德間知德安府性寬大原重喜文學
政務簡靜不飾聲譽行書史問民亦不擾重修
郡志雅有治績

李重字原任應天人正德末知德安清廉有善政嘉
靖元年景藩封軍後據南并手獲民物重過為
約束藩以議先捕重及兵與平白左遷去

胡世寧字永清和入以治進士骨相奇古家貧力
學留心世務初為德安府府官強暴獎節義激

德安府志

卷之七

名宦

七

烈有為無所畏死後為明廣議察使歷官至刑部

書嘉靖九年卒贈少保謚端武

李逢字邦吉豐城人嘉靖中任給事中車駕南巡諫

止之詔下獄謫典史起為德安府同知尋陞本府

知府絜綱維重教化黷吏黜民務置之法遇賢士

每折節下之立朝端謹境內肅然踰年以疾卒

李商臣字希尹長興人嘉靖初以大理評事左遷德

安推官志行清淑問學淵源為政精明果決精法

律尤嚴懲奸惡即權貴不為屈郡稱平允尤雅意

風化進諸士論伊洛之緒云

徐貢元字元獻號紫岩繁昌人嘉靖間知德安一介不取操執凜然樂易之性復與人近一值藩喪再營桐鄉中璫悉自歛戢不敢爲虐至單騎禦寇修堤拯荒功德在人百年未泯

蔡可教字子受成安人嘉靖己未進士戶部郎中知德安府以學術爲政治虛心揆義嗇已厚下尤豈弟作士修舉壇壝敦禮鄉縉紳之賢者奸豪歛伏民多感化

德安府志

卷之古 名宦

六

鄭禧縉雲人嘉靖中德安府通判決事折諸大義不問纖瑣然喜擇奸凡舞文者寘法不少貸自御素約遇大吏不解阿承雖見謫不爲動

蔣希孔字以中滋陽人隆慶戊辰進士同知德安事無宿諾接士人有禮治務寧謐不尚苛察州邑屬吏奉教旨民賴以不擾郡人至今誦功德云

王子順宣城人鄉薦同知德安性慈恕持身廉靜民多愛戴之歲己卯冬攝郡事偶以故景邸火院使者具聞坐掛誤去

王炳璿字... 崑山人萬曆甲戌進士歷刑部郎中
知德安府性溫雅醇篤博學工詩翰招州邑諸生
羣誡遜其茂等寵待之... 宿無厭怠意臨下
和易聽訟明決務訓以道義不輒加筆札多所感
化值歲大旱徒步禱雨竭心賑卹民甚賴焉公奉
冊篤孝戊子六月母有微恙朝夕侍湯藥柯御史
檄入舉塲固辭不赴御史益重之仍列名鄉書中
是年冬丁艱去士民號泣而送之境外

張惟芳福建晉江人萬曆辛丑任德安知府理學淵

德安府志

卷之四 名宦

九

湛耿介不阿一意鋤奸釐弊卽權貴居間不顧也
尋陞湖北道去

楊楷四川馬湖人萬曆辛亥任深摯多計謀不意中
忽釐一弊與神明等有左右執比簿互笑嘈嘈聲
如聚訟公止默坐聽之俟其竣卽指曰某處訛某
人訛衆莫不驚服又冰雪之性一塵不染時人比
之笑比黃河清尋調徽州去

梁見孟萬曆間任德安推官操守介甚摘奸察覆民
賴以安至今德之

嘉賓字艷色四川重慶人進士萬曆間任德安推官後署雲夢事清稽賦役凡飛詭隱匿諸弊釐剔無敢遁情懲舞文吏訟牘無冤闕文昌門改泮池似館舍廣勵師生考試首拔者皆雋科第無不服其德鑑
朱之臣字無易成都人進士萬曆甲寅知德安府抵任之日爲文誓神曰瞿塘劍閣臣之歸路妄携一文浪翻舟覆好獎掖名士因爲如水堂以延問字者多士咸隸門墻

德安府志

卷之四 名宦

三

龐應賓字蜀之瀘州人舉人萬曆丁巳任德安府同知歷任九年凡各色利害閭閻苦樂悉周知之見其人皆熟識輒問疾苦若家人然者郡人以大父稱之陞大理知府去尋卒士民思之築祠於南郊以祀

邢祚昌瓊州人天啓間任德安知府操執清剛政尚嚴肅卽津要亦不敢少干以私一時左右屏息民遊樂土陞副使去

鄭一陽字見曦號潛菴開封人進士天啓間任德安

推官方正慈恕持大體治獄多所平反歲稔粥活
饑人無筭公餘集郡子弟擇知名士爲塾師皆捐
俸爲之甲子年黨禍起魏闈張甚正人君子莫敢
名爲楚尤莫敢名爲邛當應山楊忠烈死後誣坐
贓巨萬楊氏諸子縛手無策爲作募疏詞義悲壯
觀者泣下爭輸金以助

程策字泰寰休寧人庚戌進士天啓乙丑德安府推
官操執冰霜甫一載晉南部郎庚午陞德安府知
府爲政務敦大體堂簾肅穆右左皆卻視不敢橫
德安府志
卷之十四 名宦
廿一
索一人錢犯者立寘於法著爲均甲之令屏去繁
差長吏悚息每月集諸生課制舉執手自甲乙陞
鄖陽副使

李行志號鵬南河南人進士天啓丙寅知德安醇樸
大度有古長者風每事必詳慎者再嘗曰懼以一
時臆決致倒人曲直故剖決無弗當人意著有字
學集丁艱去郡人立祠北郊尋卒崇祀名宦

吳震元字長卿太倉人舉人天啓間山濼州知州通
判德安先是文名藉甚及筮仕閒署有爾雅風流

高視一切之致
臺使亦雅重之列有噓雲
尋陞任去

程世培號新安休寧人
進士崇禎壬申任德安知
府爲政一秉前郡守策成法操亦似之而心主和
易一郡咸感其拊循焉陞山東糧道郡人立祠祀
之尋卒祀名宦

王國治字修吾永昌人舉人崇禎己巳任德安府同
知朔望集士民宣說六條有不率者必再三
俾令洗心易轍凡質成階下者出數語斷決洞若

德安府志

卷之古名宦

觀火尤力殫文教月課邑子弟負於明倫堂夜郎
宿尊經閣篝燈甲乙擢宗人府幕去之日
馬老幼皆貲以佐行李卻不受

張如芝號雲眉信陽人進士崇禎辛未教授德安爲
人儻倬不羈
月集多士課業於明倫堂手自可
否凡三年尋陞太學博士去門下諸士皆次第得
雋焉

任大仰崇禎己巳通判德安訟獄以片言決得情之
後更加詳慎諸臺使移他郡訟以待理迄無虛日

遠近德之秩滿陞任去

樊邦正字厚躬蒲州人舉人崇禎間任德安知府才識淵亮敏決犀利歷任五年所凡對簿皆下者越數年即令易他名以見悉指數其事以徒訟責之自是有人歛迹時賊氛聚薄城下戰守之具咄嗟而辦辛巳丁艱去

裴民懷 加人萬曆甲寅任安陸知縣遇事敢爲以平易尋丁艱去

趙琪號鶴園北直人舉人順治己丑任安陸知縣

德安府志

卷之十四 名宦

三

才敏速清執不撓聽斷片言立決無有敢過情者前此版籍放失致糧冊盡屬子虛以追呼爲三排累力嚴狐鼠清覈之始稍稍如額正供之外無他溢也尋陞陝西同知當事廉其才疏補興屯陞常州知府

宋爾禰字京仲杭州人順治庚子任安陸知縣才本英決以民貧地瘠歛而鎮以安靜不忍以紛更擾之有宦裔寒生數人田園荒草貧困莫支致以逋賦煩比簿因則然曰若固土也辰之無體拘之無

濟遂捐已俸以代值客兵取道是日洞開城門自
平物價坐一糴於通衢聽兵民貿易比戶安堵荷
戈也 亦樂宿飽而去尋以他事左遷

高郡 雲旂江寧進士順治庚子任德安知府性孝
人每遇父母生忌齋戒哭奠如初喪禮居官入俸
還付之一兄一弟不問出入淡泊自甘清介特立
異於除弊愛士恤民美不勝書每早則步禱禱輒
應鄙人特以爲天陞延建邵道去任之日行李蕭
然以病卒於漢口視殮無資至今鄙人思之猶有
德安府志

卷之四

名宦

苗

嗚淚者子拱嚴等八人皆能文

樊 域字念菴黃岡人己亥進士以母老改授德安
府學教授好善樂施與之游者如坐春風課士講
藝吟咏自得陞平鄉縣知縣有異政民到於今稱
之子齊伊爲郡學生試輒前茅能世其家云
應人文字闇齋福建南平人由丙子舉人知安陸縣
事操守端嚴處已謙遜愛士憐才敷政明敏
排頭之累毅然除之以入簾磨勘解組去

去夢縣

汪瑾洪武初以御史改知縣劄學校勸農桑初縣止一里瑾增得三里後崇祀名宦

鍾弼忠信明允遇事敢任雉堞城隍百廢俱興

趙文傑字士英內江人舉人成化間令雲夢剛方不撓操履介潔以鋤豪右文為已任時俗尚浮屠凡冠婚喪祭必令遵朱子家禮又因寇盜劄城塹立烟墩民始不便卒便而思之

潘淵嘉靖五年間築兩河口堤是年五月有雲起西方垂垂而東見一巨龍鱗甲分明淵率吏民焚香

德安府

卷之四 名宦

五

拜跪良久乃罷

鄭要簡易近民而中實精敏民甚德之去任五年復取道雲夢吏民遮道而迎者以萬數父老有感其德歛金錢以饋者一無所受

廖顛勵精為治秉正黜邪毀撤私劄菴宇季考諸生一準於視學使者不為假借遴其優者置燕學宮用示獎勸其作人如此修譙樓逆梓宮民利賴甚多未期年卒於官

郭貴德 直有為治城垣治縣署治學宮境內一新

詳見碑志

黃守謙端毅有執關說不行朔望謁學宮必令諸生
講肄動遵古禮直道自許後竟以論罷

童如淹獎掖諸生評隲文苑邑寥寥制舉五十餘年

獨善諸生李有成越二年有成薦領薦書其藻識
如此後陞膠州知州

羅黃裳自言水知縣來任逐積猾恤貧困當景藩就
國及喪經楊家河蕭然煩費聲望足以壓當空而
才能副之故調停經理而民一不擾居三年陞南京

德安府志

卷之四

名宦

其

大理寺評事民為生祠肖像以祀祠在忠孝祠旁
今廢

性介而行愿當其意所不可即監司異同終不
為易修城以身勞版築間者一年居五年陞威州
知州致仕

危以平春融縝密恬澹淵宏材諧機鋒歛而不
切嗜味泊如也捐苛徵決疑獄懲奸猾修學課
任三年以憂歸服闋復任雲夢士民權呼踴躍
糧百里迎之

崔允中明斷剛毅不畏強禦凡異屬疑獄上臺每令
讞之。意澹河以開水利居四年陞臨洮同知士
民勒生祠祝之

梅先春仁恕有才幹讞獄多平反翦惡黨號彪虎者
殆盡置義塚東郭外建石堰口橋
官民利濟因立祠橋左肖像祝之今祠廢碑存號
梅公橋

龔道洽清恕儉樸抑豪貴撫貧弱後陞青州府同知
士民立祠東關今廢

德安府志

卷之四 名宦

七

李應申饒才畧時秦寇尚未犯楚公豫爲陰雨之謀
甃築內城初竣東南一帶以憂去後寇至圍城居
民嬰守得依憑無患

蔡宗虞四川人崇禎間聞寇警鑿濠增堞團練編戶
激獎義勇丙子冬寇圍城攻七晝夜堵禦有方數
斃其渠魁聞官兵至始解去

李明元敦樸愷悌每臨民對簿循循噢咻惟恐傷之
時縣當流寇攻圍之後財殫力疲賴明元得少休
息云

詆吉臣江西新建人崇禎間卸雲夢縣闖賊南寇縣
潰陷被獲抗節不屈遂受害

孫繼武清平人性剛介疾惡如仇而優獎好學敦行
之士尤能振士氣持學校不爲委靡態士論多之
陞新會知縣

許希周揭揚人敦行好修毅然以師道爲己任貧生
饋遺一無所受仍察其賢者推俸給之督諸生爲
文會甚力間自爲文以示諸生於理道大有發明
陞教諭去

德安府志

卷之四 名宦

七

譚性學武陵鄉科謙厚篤學恂恂和靄閱課業直而
不倨縣宰恒抗以待性學益加謹飭壬戌登進士
官行人

周官會稽人博學能詩古文詞風致翛然塵外與諸
生登覽賦詩吟風弄月耳重性慧人不敢欺後致
仕有去思碑

李嗣純河南人敦樸愷悌獎善恤貧侍側者如坐春
風中陞均州學正

吳宗孟字汝瀾首清賦役造細戶冊以杜飛詭官牧

惠政遷穀城令民多
以法繩之修孔子廟置
禮後遷大理寺丞

謝良佐字顯道上蔡人進士建中靖國初任書局官
召對忤旨轉徙州縣嘗爲應城令化民以德期於
無訟簡而能栗威而不猛英明果決強力不倦克
已復禮日有課程著有論語說及門人所錄遺語
行於世從祀孔子廟應城立祠祀之朱熹劉祖綿
有記

劉炳建安人知應城縣好
士修飾儒學訪求前
德安府志

卷之十四

三

令謝良佐遺跡以兵燹無存
創上蔡先生祠於
講堂東朱熹記

諸葛平陽朔人明鄉薦知應城廉能愛民均徭減賦
吏畏其威民安其惠任滿遷湖廣參議

朱幹鳳陽人知應城多惠政吏戢民懷秩滿父老奏
留遷徐州知州

周魯山東人世襲武職爲門威將軍魯讀書歲貢知
應城以憂去服闋再除前任性慈厚儉約臨事敏
決輕刑薄稅興學作士賑卹饑民九年秩滿以疾

卒貧不能歸遂葬縣東獅子冲子孫因家焉世登科第

章似蘭臨淮人監生知應城持身儉約賦均訟簡勤於幹濟公署頽廢者修葺民不知勞

夏璣崑山人景泰甲戌進士知應城蒞事廉明民懷其惠召拜監察御史

汪清字源潔固始人景泰進士成化初以監察御史謫知應城幹濟公勤庶事克舉抑挫豪右申理屈滯一縣凜然

德安府志

卷之四

名宦

三

黃珪浮梁人鄉薦知應城敏於蒞事不憚勞瘁振舉廢墜煥然一新卒於任

周衡字道通宜興人正德中知應城實心任事以道化民立上蔡祠建常平倉百務振起

馮宗龍字舜卿濮州人鄉薦知應城剛方簡重費省郵民清介之操上下相信遷去郭宣贈詩曰權門形迹外幽谷照臨中

羅材廬陵人鄉薦知應城愛民修政會迎梓官只役費旁午材以身任事劑量經畫不以累民古之循良

不是過也

吳哲字士明貴州人舉人嘉靖間知應城有才縣舊無城哲令人甃城乃招延富室讌集於庭俾注名募籍中丈尺多寡聽之又分地書標以識城周九百丈崇二丈有奇匝月而成雉堞樓櫓悉備不費公帑一緡也

楊鎔字德夫榮縣人嘉靖乙丑進士知應城端方嚴重積猾勢豪皆斂迹樽節里甲扶植儒紳臨政未嘗輕施刑罰而民自畏服不敢犯三年邑大治召

德安府志

卷之丙

名宦

三

爲刑部王事

滕文昌新昌人鄉薦萬曆間知應城謙謹平易省刑薄歛酌裁編役新譙樓飾學校親賢卹民治績多著後遷河池知州

李學詩字可言萬曆甲戌進士知應城守已廉靜有執持不以監司嗔喜動念政體簡易戒胥徒勿擾村社民安之

張紹登字振夫餘干人舉人崇禎間任應城縣四載清廉耿介不畏強禦宦仆爲之斂迹甲戌張獻忠

陷城端坐中堂不為賊屈賊將擒之奮拳直擊賊胸賊將倒退賊衆擁上遂被害獻賊嘆其忠烈令賊將以冠帶覆其尸塋之堂側贈太僕少卿廕一子入監

張國勳字伯明黃陂人歲薦崇禎間任應城訓導丙子年流寇張獻忠陷應城同知縣張紹登罵賊被殺國勳子世祐叩閭陳情上特加恩卹贈國子監學正

孝感縣

德安府志

卷之十四

名宦

三

謝憲子宋端平中令政尚禮教招集遠近士發明朱子之學時廣平人竇默避寇來依之因得伊洛性理之書邑之理學自憲子始也

徐元素銅臺人元至治時為尹興教褒德改民視聽政聲流通見學宮在草昧歎曰興豪傑者因地振文教者因人豈以教育人才地而濠蘆為平遂飭堂皇俎豆秩如也

龔恭嚴直隸崇明人舉人洪武中任孝感縣修學校勸農桑律已嚴明吏民畏服

袁仕晦新淦人永樂初舉人材授監察御史調知孝
感長於察變奸究震怖四民晏然

洪誠永樂中知縣爲政以清標自尚

王佐南陽人永樂中舉人材主孝感簿宅心長者不
越職事亦不束於職事尋以異才聞超拜御史歷
太僕卿

祝翊江南舉人嘉靖中知縣峭厲有鑒裁庭無沉寃
志操耿介有清名

王襄雲南保山舉人嘉靖中知縣操尚沉毅法尚簡
德安府志

卷之四 名宦

三

繁吏胥狡會者不敢爲奸訟庭常閒獨不嫺逢迎
以論去去之日琴書兩篋民皆雪涕送之

龍興海陽舉人嘉靖中知縣時徭賦多宿蠹偏累與
平之厝民於理歲稔民賴以全活會礦賊患苦境
土興率民兵殲之因得請於上壘土爲城崇其制
侍郎逢天馭詳紀其治績甚具尋遷福建鹽運同
知去

郭斗字應宿昆明人嘉靖癸丑進士知孝感政尚寬
和而秉衷介介不可犯所風厲四境大要袞節義

酌民利害約法不爽

陳驛南克舉人隆慶間知孝感庭無滯牘賦鮮蠹孔
功集城生一本於無欲入計當行用乾糗贏馬朝
京師

雷鳴春字肇元懷寧人進士知孝感饒才氣不憚權
勢始置學租養士景藩就邸中貴人馮城社所至
騷然一以春刀鎮不能肆無沉獄賊民備息後歷南
陽

趙可... 汝從... 州人嘉靖壬戌進士知孝感實直

女府志

名宦

三

無假借政... 故... 盜可... 深夜無天
吹雅意厲士不能為諸... 亦不...
迎遷工部主事

何沾沛曹安衛人明嘉靖初由國子生... 公有吏
不以僚貳自沒有清聲

長萬安舉人隆慶中知縣舉止中度... 會約

崑石長老子弟便得表至謳諭俗尚丕易構求仁

館或置士子西湖書院挾明聖學廢政輔以文章

後遷蓬州知州

薛繼茂雲南永昌進士萬曆中知縣年少果銳令行
禁止清介自立聽訟無贖緩徵收無耗羨獲盜得
其情立斃杖下獄無宿盜盜盡越境去四鄉外戶
不閉二年邑大治

蔣以化字仲學常熟舉人萬曆十七年任孝感重節
孝務寬平常露冕郭外召三老問民間疾苦給牛
種咨士、賔乏公暇進諸生講藝嘗有數大獄片言
剖析咸服不寬歲大稔躬爲糜粥舖之道有齒豁
輒給蕭瘞之

德安府志

卷之四 名宦

六

余桂萼字毓蟾上饒舉人萬曆癸卯知孝感縣會疫
爲擇醫施藥多所全活復買向家灣地十餘畝爲
漏澤園以厝民之貧無葬地者置學田若干頃修
縣志完圯城數十丈

饒繼范字見石臨川舉人政簡刑清好講明聖諭與
士庶論道燕會不過五簋日茹蔬菜冬一裘夏一
葛遷河池知州

李縉字太華南昌舉人醇心實政不務矯矯名而吏
懾民安邑故好器訟蒲鞭別曲直無金矢 贈

質成者人人理贖三年之間鷄犬無擾訟種露稜
後以他事左遷

高竒英府谷貢士重厚清正不爲阿世之學簞簞廉
飭訟庭晏然初邑盜蝟起白晝行劫竒英廣爲方
畧捕得情者無留獄常一日斃八人於杖盜皆
遁去野無盜竊者以不工迎合坐罷

雍鳴鸞字石蓮成都人崇禎戊辰心士流寇躡楚無
虛日鳴鸞率民壯晝夜乘城繕雉堞練鄉勇寇數
十至至輒走之爲人和易蘊藉多風丁丑遷戶部

德安府志

卷之十四

名宦

三

主事

隨州

侯霸字君房漢隨縣宰按誅豪猾分山賊境內清

靜後官三公

摯瞻晉隨郡內史高亮有氣節以語折王粲逆謀故
貶內史

柳元景南宋守隨郡累官加散騎常侍曲江縣公謚
忠烈有方畧能服郡蠻

宗懋南宋守隨郡累官光祿大夫贈征西將軍有治

郡人畏服

崔士招南齊隨郡太守元魏遣桓道桓來攻士招破

全城

皇甫瑋字景瑜天永人北周建德二年為隨州刺史

小心奉法安貞守志政存簡惠

辛彥之隋隨州刺史是時文貞瑋瑋之所貢

惟祭物文帝善之

李程唐隨州刺史郎人碑學士後守

李惠登唐隨州刺史治州二十一年大有德

德安府志

卷之七

宋

書循吏傳

令狐緒宜州華原人唐高祖時隨及壽三州刺史

有佳政汝人奏請立石表德緒計

人乞留轉江南少尹

李去感唐隨縣令濮賊王仙芝攻城

陷死之

董宗本為漢隨州刺史有德漢人徵時生依焉

其子遵晦曰每見城上

蛇化龍飛去是何祥

記往日紫雲黑龍之夢乎

王祚五代漢隨州刺史漢法禁牛草犖送京師遇暑
雨多腐壞祚請頒鎧甲之式於諸州令裁之以輸
民甚便之

楊畷宋知隨州清介謹畏爲郡待客菓菜數器沒無
餘貲

毆陽曄宋隨州推官却賂賑饑以善政聞

王德用超之子仁宗時爲隨州鑑德用初知樞密院
言者論其貌類藝祖且得士心不宜久典樞密家
人皆惶恐德用舉止言色如平時惟不接待賓客
而已

德安府志

卷之四

名宦

三

尹洙字師魯河南人景祐中監郢州酒稅名
於春秋爲文謹嚴天聖初以古文矯時尚
之一變

李孝基趙郡人宋仁宗時知隨州治雖劇事至立斷
不爲證佐所干再日中庭已空矣或問其術曰無
他省事耳

范純仁宋知隨州加學士贈開府儀同三司

謚忠宣求民間利病而興革之勵學校益爲條教
日有課月有最出入起居動循法度隨人由是多
學者

張商英宋知隨州有善政後以宰相謫崇信軍節度
副使

謝景平宋僉書崇信軍節度判官廳事於忿不忤於
欲不求文章政事邁於一時

盛陶宋隨州判官以御史忤王安石謫隨州

韓忠彥字師樸汝陽人宋徽宗時隨州節度副使時

德安府志

卷之四

名宦

四

會布惡之放於濟

李道字行之相州人宋知隨州拜慶遠節度使贈太
尉謚忠愨時劉豫叛遣將張珣至隨招道道不從
執其使以聞詔嘉獎之

趙方字彥直衡山人宋淳熙中知隨州嘗自謂性太
剛請劉光祖書勤謹和緩四字揭座隅爲戒時旱
蝗相繼方走四郊以禱一夕大雨蝗盡死歲大熟
適和議成諸郡寢弛備方獨招兵擇將拔土豪孟
宗政等補以官有捍禦功

吳英勝字勝之宣州人進士嘉定間知隨州與諸生
編習四書以洛之學晦而復明

趙彥衛宋知隨州力爭夏秋二稅所增趨酷錢得免
有德於民

林興祖元知隨州前道
總管有懷召杜多識前
言無愧龔黃敦行素履名遂滿海內

杜智字仲才蕪湖人明洪武中由貢知隨州存心愛
民以不忽峻刑催科謫戍廷臣奏其九狀詔乘傳
復任

德安府志

卷之古

名宦

四

陳莘廣西橫州人永樂間知隨州空訪利病興學勸
農闢田野四百餘頃政治人心

呂稭昆明舉人成化間知隨州嚴明

歲旱民

饑縞衣洗足步禱發倉賑貧捕獲鼠竊寧之法首
夏民納銀稭曰五穀未登銀必假多
人者令還
之候秋赴納民感其德

李克嗣內江縣進士弘治間知隨州嚴明廉介造士
愛民仕至兵部尚書

藍渠知隨州慎刑裁
以植弱剪強民尸祝之有碑紀

其政

范欽嘉靖中知隨州嚴左右理幽枉省里甲重倫常
民畏服感化官至侍郎

任德嘉靖時知隨州有政聲曾修州志

孫銳明隨州知州性莊嚴才開敏築城障水民至今
德之

周行明隨州知州實心愛民折節禮士遷學宮士民
戴之

方揚明萬曆間知隨州夙擅文名日與諸生講明經

德安府志

卷之十四 名宦

四

書輿旨

馬騰雲明知隨州清介明察受誣去

梁文耀崇禎初爲隨州判官勤苦潔操一衣一冠數
年不易清介之風比於載土回舟焉

王燾知隨州蒞事卽遇時艱禦患自安天數矢志靡
他協心固守勢窮城陷死正衣冠節義凜凜一時
士民赴義同死千有餘人雖隨之士庶素存忠義
實燾節義有以導之

王國寧剛方正直愛士恤民嚴箴規遠苞苴庭尚訟

斷役靜囚閉至今父老尤稱頌焉

徐世淳浙江嘉興人萬曆戊午舉人崇禎間由重慶府推官任隨州時流寇猖亂兵無紀律世淳力爲居民保護賊羅汝才圍城募士死守親身登陴屢請救不產城陷世淳猶率鄉兵巷戰中數十鎗罵不絕口賊手刃之妻妾僕婢同時赴難次子肇樑抱父尸且哭且罵賊刃交加身死告州人邱所藏處事聞詔贈太僕卿諭祭葬蔭子肇樑贈國子監助教祔祭

德安府志

卷之古

名

四

李鴻雷 國朝順治初知隨州殘兵燹之後切撫字嘉意斯文士民立碑頌德

程文光知隨州培學校興教化建書院差無偏枯里後得蘇力剔政弊勵冰操離任之日痛哭者遮境內焉

劉名世 隨州蒞事果毅力革陋習整肅中見陽和惜乎早謝未竟所施

李度知隨州政尚寬和志切民瘼理西山軍需焦苦中夜幾不欲自有其身民咸德之

應山縣

連光裕世家上黨其祖連聰徙於隨州光裕

應山令後為磁郢二州刺史卒葬應山

宋玘開封人為應山令因家焉生子庠和登第

李紹祖隴西人慶元未來任端恪能文嚴於自律不事表暴衍衍君子也

魏從恕字伯賢燕山人至正四年來令繩更以法覆民以恩待士以禮省耕布惠助贖弱女修常平倉糴至四千石凶歲民賴之善政聞京師使宣撫河

德安府志

卷之十四

名宦

四

南江北道後巡歷德安屬邑有司以周子榮論大辟恕審其情詞釋之眾稱名民有訟百戶占民出月為軍田者獄十餘年不決以片言折服

戴成昌黎人興建... 慈惠及民詣學宮督勸講誦

人多思之

李春字惟亨桐城人惠民為心興舉禮義上安下順撫憲藩臬交章薦焉

游邦貞江右豐城人應... 旨書且講貫筆削課

業諸生多日奮勵

王建字成中進賢人處心正接物以誠俱優
政教並舉民感其德

譚一鳳無錫人愛民草弊三年之計以化
大行及去士民各送百里外復構亭立碑
頌德

王尚用字賢卿安福田彬州學遷任縣令值歲荒
民多死徙為文以諭富民得金賑之計丁糧以省
歲費察飛詭以均賦稅中嚴保甲緝勦寇盜民獲
奠麗焉

德安府志

卷之丙 名宦

四

葉震亨礦賊入境身率其子禦之手刃五人而賊潰
陞高州府同知

葉特字子約山陰人歷戶科左給事諄應山日賊不
均力為整肅正勤勵從事

劉勇恬安縣進貢蘇若石探苞直杜絕吏害蓋條庭
無冤民

鄒雲龍清江人蒞政稱持大體寬嚴相濟兩臺有薦
章士民之未陽祀與詩集及其歸也越境七者千
餘人

湯以栢聰穎過人，士民吏屬一識不忘。蒞政精明，渾厚小事，剖解如流。大事聲色不動，剗剗批導，若如也。遷寧波通判。

江塘勤於吏治，視民如子，興利剔弊，修舉廢墜。陞石屏知州。

姬文業禮學校，賑貧生，禁絕羨餘，平易物價。貞介自守，不事逢迎，捐俸葬陳烈婦。陞睢州知州，致仕歸。囊橐蕭然。

湯得師，素以孝聞，言動不輕，遇事詳慎。人有言不曲，德亦不外，距折其中，用之故無周章之迹，而亦無廢事。

卷之四 名宦

吳

夏之彥徵收不加毫釐，或有私戕及重稱，分釐者草之以保甲法，下鄉止肩輿一乘，三四應用人役，種樹墾荒，儉用宥訟。陞武昌同知，有祠。

張大經字雲嶠，貴州銅仁人。崇禎初，以舉人令應山。政簡刑清，愛民好士，作興學校，培植風水。癸酉冬，聞賊警，邑人數百年不知兵，大小股慄經素習戰。

守申請都閩周元儒自武昌率辰軍二百人，勉同

垣舉如法日引諸生獎示之矣已擢都諫民卧轍
攀轅如失慈母至今比戶謠思云

德

卷之西 名宦

吳

